

ԲԻՈԷԹԻԿԱՅԻ ԱՐԴԻ ԽՆԴԻՐՆԵՐԻ ԴԱՍԸՆԹԱՅ «ԿԱՆԱԶ ԱՍՏՎԱԾԱՐԱՆՈՒԹՅՈՒՆ» ԾՐԱԳՐԻ ՇՐՋԱՆԱԿՆԵՐՈՒՄ

Դեկտեմբերի 4-13-ը ԵՏՆ Հայաստանյան միջեկեղեցական բարեգործական Կոոր սեղան հիմնադրամի հրավերով, «Կանաչ աստվածաբանություն» ծրագրի շրջանակներում, Մայր Աթոռ Սուրբ Էջմիածնում էր գրնվում Ռուս Ուղղափառ Եկեղեցու Մոսկվայի Ս. Անդրեաս առաքյալի անվան աստվածաշնչային-աստվածաբանական ինստիտուտի դասախոս Պյոտր քահանա Կոլոմեյցևը:

Այս օրերի ընթացքում նա բիոէթիկայի արդի խնդիրների մասին դասախոսություններով հանդես եկավ Սևանի Վազգենյան Հոգևոր Դպրանոցում, իսկ դեկտեմբերի 11-ին՝ Ս. Էջմիածնում: «Աստվածաբանության, փիլիսոփայության և գիտության հարաբերակցության հեռանկարները» վերաբերությամբ բանախոսությունը նվիրված էր մեր ժամանակներում աստվածաբանության, փիլիսոփայության և գիտության փոխհարաբերություններին:

Դասախոսությանը ներկա էին Մայր Աթոռի միաբաններ, Գևորգյան Հոգևոր Ճեմարանի սաներ, ինչպես նաև ԵՊՀ Աստվածաբանության ֆակուլտետի մագիստրատուրայի ուսանողներ:

Նույն՝ «Կանաչ աստվածաբանություն» ծրագրի շրջանակներում դեռևս հուլիսի 21-23-ը Մայր Աթոռ Ս. Էջմիածնում րեդի ունեցավ սեմինար-խորհրդաժողով՝ «Կանաչ աստվածաբանություն» թեմայով, որի ընթացքում «Արարումը Հին Կրակարանում», «Արարումը Նոր Կրակարանում», «Ուղղափառություն և բնապահպանություն. ծես, պարկերագրություն», «Ուղղափառություն և բնապահպանություն. հայրաբանություն» թեմաներով դասախոսություններով հանդես էր եկել Օքսֆորդի համալսարանի դասախոս պրոֆ. Դիմիտրի Օյկոնոմուն:

ՄԱՅՐ ԱԹՐԱՆ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ